

MISILITSINNERMUT QUPPERSAGAQ

ILINNIARTITAANERNUT INGERLAQQIFFIUSUNUT

GREENLAND BUSINESS SCHOOL - NIUERNERMIK

ILINNIARFIK-MI

IMAA

Aallaqqaasiut	4
Inatsisitigut tunngavik	4
Nalinginnaasumik najoqqutassat	5
Misilitsinnermi peqataanissamut piumasaqaatit – peqataanissamut nalunaarneq peqataannginnissamullu nalunaarneq	5
Misilitsinnermut takkunneq uninngaarnerlu	5
Inortuigaanni	6
Ini misilitsiffik piffissaq naanngitsoq qimanneqarpat	6
Unikkallarnerit perusuersartarfiliarnerillu	6
Nerisassat imigassallu	6
Asseq kinaassutsimut uppernarsaat	7
Misilitsinnermi tunngavigisat sisamat	7
Anguniakkat piumasaqaatillu	7
Misilitsinnerup tunngavia	7
Naliliinnermi tunngavik	8
Naliliinnermi piumasaqaatit	8
Misilitsinnermi oqaatsit atorneqartut	8
Tamanut ammasuuneq mianerinninnerlu	9
Nipinik videonillu immiussinerit	9
Nipangersimasussaatitaaneq	10
Atortussat	10
Qarasaasiamik aamma Wiseflow-imik atuineq	10
Misilitsinnerit assammik allatat	11
Generativ Artificial Intelligence-p atorneqarnera	11
Inunnut paasissutissanik eriaginninneq	12
Pissusilersorneq akuerineqarsinnaanngitsoq, misilitsinnermi peqquserlunneq aamma assiliiginnarneq (plagiat)	12
Pissusilersorneq akuerineqarsinnaanngitsoq	12

Misilitsinnermi peqquserlunneq	13
Assiliiginnarneq (plagiat).....	13
Annertusisamik nakkutilliineq	13
Attaveqaqatigiinneq aamma inoqatinut attaveqaatit	14
Immikkut ittumik akuerineqarneq, pissutsit immikkuullarissut aamma napparsimaneq.....	14
Ilimaginngisamik pisoqartillugu immikkut ittumik akuerineqarneq	14
Innarluuteqarnikkut atukkat immikkut ittut	15
Napparsimalernermi	15
Napparsimasimalluni misilitsinneq aamma misilitseqqinneq	16
Misilitsinnermut misiliineq	16
Nuup avataani misilitsinneq.....	17
Internet-ikkut oqaluttariarsorluni misilitsinneq	18
IT-support.....	18
Praktikkernermik sivitsuineq	19
Censorinik atuineq, censorinik toqqaaneq aamma censorip ileqqussai.....	19
Censorimik toqqaanermut piumasaqaatit	19
Censorimut paasissutissiineq	20
Censorip ileqqussaa.....	20
Karakteriliineq naliliinerlu	20
Napparsimasimalluni misilitsinnermi misilitseqqinnermilu censoriuneq	21
Censorip nalunaarusiaa.....	21
Misilitsinnermi naliliineq karakteriliinerlu.....	21
Atuartitsisup nalunaarutaa.....	22
Eqimattakkaarluni misilitsinnerit	22
Misilitsissimanermut uppernarsaat.....	22
Naammagittaalliutit.....	23
Ilanngussaq 1: immikkut akuerineqarnissamut qinnuteqarnermut immersugassaq	25

AALLAQQAASIUT

Uma misilitsinnermut qppersakkap malittarisassat atuuttut, ingerlaatsit maleruagassallu Greenland Business School – Niuernemik Ilinniarfik-mi (GBS/NI), ilinniaqqiffinni tamani misilitsinnermut tunngasut tunngavigivai, ilinniarnep aaqqissungaanerani imaluunniit fagip allaaserinerani allatut allassimasoqanngippat.

Inatsisitigut tunngavik

Misilitsinnermut qppersakkap qulakkiissavaa ilinniartunut misilitsinnerit naliliinerillu inatsisit atuuttut malillugit pisassasoq, peqquserlunnerit ikilisassallugit kiisalu naapertuilluartumik naliliinissaq.

Misilitsinnermut qppersakkap inatsisit atuuttut aallaavigivai

- Namminersornerullutik Oqartussat nalunaarutaat nr. 14 23. juni 2008-meersoq karakteriliisarnermi tulleriinnilersuineq allatullu naliliisarneq pillugit
- Inatsisartut inatsisaat nr. 14 juni 2019-meersoq qaffasinnerusumik ilinniartitaanerit pillugit
- Namminersorlutik Oqartussat nalunaarutaat nr. 111. januar 2024-meersoq Ilinniarfinni ingerlaqqiffiusuni soraarummeerneq censoreqartarnerlu pillugit

Atuutilerpera akuerineqarneralu

Misilitsinnermut qppersagaq atuutilerpoq 1. april 2025 ilinniartunullu tamanut qaffasinnerusumut ilinniarnep GBS/NI-mi tigusaasimasunut atuulluni.

Misilitsinnermut qppersagaq atuarfiup pisortaanit akuerineqarpoq 19. marts 2025.



Troels Friis

NALINGINNAASUMIK NAJOQQUTASSAT

Misilitsinnermi peqataanissamut piumasaqaatit – peqataanissamut nalunaarneq peqataanginnissamullu nalunaarneq

Misilitsinnissamut piumasarineqartut tamanit malinneqartussat ilinniakkap aaqqissuussaanerani allaqqapput. Faginut ataasiakkaanut ilinniartisisup akisussaasuusup aammattaq paasissutissiissutigisussaavai. GBS/NI-mi ilinniartuq misilitsinnissamut ingerlaannarluni nalunaarutigineqartarpoq. Lectio-mi qaqugu sumilu nalunaarutigineqartarpoq. Ilinniartuq misilitsinnissamut pilersaarutit pisortatigut nalunaarutigineqartut allangortinneqarsinnaaneri alaatsinaattuassavai.

Misilitsilernermi piumasaqaatit naammassisimangippata, misilitsinnermi misiliineq atorneqartarpoq. Aatsaat misilitseqqinnissamut ilanngunneqartarpoq, piumasaqaatit tamanit malinneqartussat eqqortikkaanni. Misilitsinnermut peqataanginnissamut nalunaarneq inatsisit tunngavigalugit akuerineqartussaavoq, immikkut ittumik akuerineqarnissamik ilinniartut kiffartuussiviannut (studieservice) immikkut akuerineqarnissamik qinnuteqaateqarnikkut (takuuk ilanngussaq 1).

Misilitsinnermut takkunneq uninngaarnerlu

Ilinniartup akisussaaffigivaa misissussallugu, sumi qaqugulu misilitsittoqassanersoq, kiisalu sumiiffissamut nalunaaqtsiussarlu eqqorlugu takkunnissamut.

Oqaluttariarsorluni misilitsinnernut ilinniartuq misilitsinnissaq kingusinnerpaamik 30 minutsinik sioqqullu takkutissaaq. Piffissamik siuartitsisoqariataarsinnaavoq, kinguneralugu ilinniartuq misilitsissinnaammat misilitsiffissamit pilersaarutaasumit siusinnerusukkut. Censori misilitsinneq 15 minutsinik sioqqullugu takkuttussaavoq.

Allattariarsorluni misilitsinnermi misilitsittussaq misilitsinneq 30 minutsinik sioqqullugu takkutissaaq. Misilitsinnermut akisussaasoq, misilitsiffimmeereersimassaaq misilitsinnerup aallartinnissaa 30 minutsinik sioqqullugu, qulakkeerniarlugu misilitsittussat tamarmik Wiseflow-imut attavilersinnaanersut.

Misilitsinnerit tamarmik atuarfiup initaanni ingerlanneqassapput. Aatsaat immikkorluinnaq pisoqartillugu immikkut ittumik allami misilitsinnissaq akuerineqarsinnaavoq (takuuk Nuup avataani misilitsinneq pillugu immikkoortortaq).

Inortuigaanni

Misilitsinnermut inortuigaanni misilitsilluni misiliineq atorneqariataarsinnaavoq. Ilinniartut kiffartuussiffiannut 323099-imut erngerluni sianertoqassaaq. Taava ilinniartut kiffartuussiviata misilitsiffimmi nakkutilliisooq attavigissavaa, misilitsitsisooq peqatigalugu naliliissammat, misilitsittussaq misilitsinnermut peqataasinnaansooq imaluunniit misilitsinnermut misiliut atussaneraa. Taakkua aaliangiisuussapput, pissutsit aallaavigalugit ilinniartooq akuerineqassanersooq. Nalorninermi ilinniarfiup pisortaa attavigineqassaaq.

Ini misilitsiffik piffissaq naanngitsoq qimanneqarpat

Ilinniartup ini misilitsiffiusooq qimannissaanik kissaateqarpat, akissutini tunniuteerlugit, allattariarsorluni misilitsinneq sulii naanngitsoq, talini nappassavaa misilitsinnermi nakkutilliisooq qaaqquniarlugu. Misilitsinnermi nakkutilliisup ilinniartooq krydsilereerpagu ini qimassinnaavaa.

Misilitsittup suliani naammassisimasooq tunniunnagu ini misilitsiffiusooq qimappagu, akissutaa nalilersorneqassanngilaq, misilitsinnermullu misiliinertut isigineqassalluni.

Inip misilitsiffiusup misilitsinnermi akunnerup affaa siulliup imaluunniit akunnerup affaata kingulliup iluani qimaqqusaanngilaq. Multiple choice-test-imi ini misilitsiffiusooq qimaqqusaanngilaq, misilitsinneq naanngippat.

Unikkallarnerit perusersartarfiliarnerillu

Allattariarsornermi oqaluttariarsornermilu misilitsinnerni unikkallarnerit atorneqanngillat. Allattariarsorluni misilitsinnermi taamaallaat perusersariartorneq pisinnaavoq misilitsinnermi nakkutilliisumit akuerineqaaqqaarnikkut, nalunaquttalli akunnerata siulliup affaata kiisalu akunnerup affaata kingulliup nalaani taamaallaat pinnani. Oqaluttariarsorluni misilitsinnerup nalaani perusersariartornissaq periarfissaanngilaq.

Nerisassat imigassallu

Nerisassat imigassallu nammineq atugassat taamaallaat nassaqqussaapput. Tipeqassanngillat imaluunniit nipiliussanatik misilitsiffiup iluaniittunut allanut ajoqutaasumik. Tamanna misilitsilluni nakkutilliisup nalilissavaa.

Asseq kinaassutsimut uppersarsaat

Misilitsittoq assimik kinaassutsiminik uppersarsaatigisinnaasaminik peqartussaavoq, assersuutigalugu ilinniartuunermut allagartaq (studiekort), pas imaluunniit biilernerumut allagartaq, piumaffigineqaruni takutissinnaasaanik. Nalornisoqalissappat imaluunniit assimik kinaassutsimik peqanngippat, ilinniartuup pisortaata aaliangissavaa, misilitsinnermut isernissaq akuerineqassanersoq. Iseqqusaanngikkaanni, misilitsinnermut misiliinertut naatsorsuutaassaaq.

MISILITSINNERMI TUNNGAVIGISAT SISAMAT

Anguniakkat piumasaqaatillu

Anguniakkat piumasaqaatillu tassaapput fagimut piginnaasanullu tunngasut anguniagassat, misilitsinnermi angusassat. Taakkua avataasigut aaliangersimasunik piumasaqaateqartoqarsinnaavoq ilinniakkap aaqqissuunneqarnerani fagillu allaaserinerani aaliangersagaasuni, taakkulu ilinniakkat akornanni allanngorarsinnaapput.

Misilitsinnerup tunngavia

Ilinniartup atuarfiup pingaartitai anguniagassat ilisimassavai, atuarnerup aallartinneraniilli. Misilitsinnerup tunngaviata imarivaa fagip imai imaluunniit tassunga tunngasut atortut, misilitsinnermi tunngaviusut, misilitsittoq periarfissinneqassaaq piginnaanerit pissarsiarisimasani takutissallugit. Tamanna assersuutigalugu pisinnaavoq misilitsinnermi apeqquutigut, suliasatigut, atuarnerup nalaani atuarsimasatigut, misiliinikkut imaluunniit ilinniartup suliarisimasaatigut, soorlu takutitassatut saqqummiinikkut imaluunniit takussaasumik suliarisimasaatigut.

Misilitsinnermut tunngavigisat ataatsimut isigalugu anguniakkanik piumasaqaatinillu pingaarutilinnik aallaaveqartariaqarput. Tamanna isumaqarpoq, atuarfiup anguniagassat toqqarsinnaagai, fagit aamma piginnaasassat iluanni pingaaruteqartutut nalilikkat. Taamaammat anguniagassat piumasaqaatillu tamarmik misilitsinnissamut tunngavimmut ilaasariaqanngillat.

Naliliinermi tunngavik

Ilinniartup atuartsinerup aallaqaataaniilli naliliinermut tunngavigineqartoq ilisimassavaa. Assersuutigalugu ilinniartuq suliaqarsimasinnaavoq naammassisaminik, misilitsinnissamut peqataanissamut piunasaqaataasumik, misilitsinnermili naliliinermut peqataatinneqanngitsunik.

Naliliinermut tunngavigineqartut tassaapput takussutissatut suliarisimasat (produkter), suliaqarnerup ingerlarngi imaluunniit suliart naliliinermut tunngavigineqartut. Atuarfiup suliassaraa, suut naliliinermi ilanngunneqassanersut, qanorlu tamaasa ataasiakkaarlugit naliliinermi naatsorsuutigineqassanersut. Naliliinermi tunngavigisat misilitsinnermilu tunngavigisat assigiissinnaapput. Naliliinermi misilitsinnermut tunngavigisat assigiinngippata, ersarissumik allanneqassaaq suut ilaatinneqarsimanersut.

Naliliinermi piunasaqaatit

Naliliinermi piunasaqaatit, naliliinermi tunngaviit aallaavigalugit ersersissavaat, ilinniartup qanoq atsigisumik anguniakkat pingaarutillit angusimanerai. Naliliinermi piunasaqaatit taamaalillutik ersersissavaat, atuarfiup suut, suliassap aaliangersimasup suliarinerani "pitsaalluinnertumik" imaluunniit "naammaannartumik" anguneqassasut naatsorsuutiginerai. Aammattaaq ersersinneqassaaq, qanoq atuarfiup "pingaaruteqanngitsut" imaluunniit "pingaarutillit" assigiinngissusaat immikkoortittarnerai.

MISILITSINNERMI OQAATSIT ATORNEQARTUT

Misilitsinneq fagip atuartsissutigineqarami oqaatsit atorneqartut aallaavigalugit ingerlanneqassaaq, allattariarsornerni oqaluttariarsornernilu misilitsinnerni. Siunnersuisartorlu isumaqatigiissutigineqareersimasassaaq, suliniutissatut suliassaq (projektopgave) oqaatsit sorliit atorlugit allanneqassanersuq. Ilinniartup oqaasiisa atuartsinermi oqaatsit atorneqartut assigiinngippagit, ajornanngippat marluinnik oqaasilik censorinngortinneqarsinnaavoq.

Ilinniartuq ingerlatiinnarlugu nutserisoqarusuppat, immikkut ittumik qinnuteqartoqassaaq minnerpaamik misilitsinneq sapaatip akunnerinik 8-nik sioqqullugu. Atuarfiup ingerlatiinnarlugu nutserisoqarnissaaq neqeroorutigisinnaavaa, periarfissaassappat. Nutserisoq takkutinnngippat, misilitsinneq atuartsinermi oqaaserineqartut naapertorlugit ingerlanneqassaaq. Ilinniartut tuluttut misilitsinnissartik qinnuteqaatigisinnaavaat kalaallisut qallunaatulluunniit taarsiullugu, kiisalu suliniutissatut suliassat (projektopgaver) imaluunniit allat allattariarsorluni suliassat tuluttut allallugit tunniussinnaavai. Ilinniartuq qinnuteqassaaq immikkut ittumik skemamik (takuuk ilanngussaaq 1) immersuinikkut nassiullugulu ilinniartut kiffartuuffiannut info@gbs.gl -imut, taava siunnersortip imaluunniit misilitsinnermut akisussaasup suliarissavaa.

Ilinniartup inunnguutsiminik oqaasii atuartitsinermi oqaatsit atorneqartuniit allaaneruppata, qinnuteqartoqarsinnaavoq piffissamik 25%-imik piareersarnissaq oqaluttariarsorlunilu misilitsinnermut piffissaliusaaq sipporneqarsinnaanersoq. Allattariarsorluni misilitsinnerni nakkutilliisoqartuni ilinniartuq tamatigut piffissaq 25%-imik sipporlugu tunineqartassaaq, piareersarnermut, ilitserorneqarnermut aamma ingerlanneranut.

TAMANUT AMMASUUNEQ MIANERINNINNERLU

Oqaluttariarsorluni misilitsinnerit tamarmik tamanut ammapput. Atuarfiulli misilitsitsuata aaliangersinnaavaa, oqaluttariarsorluni misilitsinneq tamanut ammassanngitsoq pissutsit immikkut ittut pissutigalugit. Assersuutigalugu ilinniartumut asattuussinerusinnaavoq, inissaaleqineq pissutaasinnaavoq, mianerinninneq pissutaasinnaavoq imaluunniit eqqissisimanissaq torersuunissarlunniit qulakkeerniarlugu pissutaasinnaavoq.

Inuit ataasiakkaat aamma iseqqusaanngissinnaapput anisitaasinnaallutillu, misilitsinnerup nalaani eqqissisimaneq torersuunissarlu qulakkeernissaat pisariaqassappat. Oqaluttariarsorluni misilitsinneq najuuffigerusukkaanni, misilitsittoq misilitsitsisorlu isumaqatigisariaqarput. Misilitsitsisoq naliliisuusaaq qulaani allassimasoq pineqassappat.

Misilitsitsisoq censorilu nalililerpata, misilitsitsinermut najuuttoq misilitsittorlu pigisatik tamaasa nassarlugit misilitsiffimmiit anissapput. Misilitsitsisoq censorilu kisimik naliliinermi najuuteqqusaapput.

Eqimattakkaarluni oqaluttariarsornermi misilitsinnermi eqimattami misilitseqatit misilitsiffimmeeqqusaanngillat, misilitsinnerup inerneranik tusarlerneqarnerup nalaani.

Nipinik videonillu immiussinerit

Nipinik videonillu misilitsinnermik immiussinerit inerteqqutaapput, immiussinerit misilitsinnermut tungassuteqanngippata. Taava immiussinerit GBS/NI-mit ingerlanneqassapput. Ilinniartuq akuerineqanngitsumik immiussippat, ilinniarfiup pisortaata imaluunniit forstanderip qanoq kinguneqartitsisoqassanersoq aaliangissavaa.

Misilitsitsisup nipinik imaluunniit videonik immiussinissaq kissaatigissappagu, inerisaanermik ilinniartitsinermillu tungassutilimmik siunertalimmik, ilinniartumit aamma censorimit allakkatigut akuersissummik pisariaqarpoq. Immiussat GBS/IN-imit paarineqassapput.

Nipangersimasussaataaneq

Ilinniartuq misilitsinnermut suliasamik tunngasumik suliaqartillugu, siunnersorti ilaatigullu censori allallu GBS/NI-miittut nipangersimasussaataapput. Malugeqquneqarpoq, paasissutissat, siunnersortimut siunnersorneqarnerup nalaani tunniunneqartut nipangersimasussaataanerup ataaniimmata. Taamaammat tunngaviusumik mianerinninnissamut isumaqatigiissusiortoqartariaqanngilaq, suliffeqarfiup imaluunniit kattuffiup ujartunngippagu.

Misilitsinnermi suliasaq isertukkanik imaqarpat, ilinniartutut suliap tunniunnerani "Isertuussaq"-mik nalunaaqutserneqassaaq. Suliap saqqaaniissaaq aamma ilinniartup Wiseflow-imi nalunaaqutsissavaa. Suliffeqarfiit imaluunniit kattuffiit ilaasa naammagisarpaat misilitsinnermi suliaq isertuussatut nalunaaqutserneqaraangat, allalli isumaqatigiissusiortoqarnissaa piumasarisarlugu.

Suliffeqarfik imaluunniit kattuffik mianerinninnissamut isumaqatigiissusiortoqarnissaanik kissaateqarpat, ilinniartup, suliffeqarfiup imaluunniit kattuffiup atuarfiullu akornanni isumaqatigiittoqarsinnaavoq. Mianerinninnissamut isumaqatigiissut atugassaq atuarfimmitt pissarsiarinaraanni, ilinniartunik kiffartuussisut attavigikkitt. GBS/NI-p isumaqatigiissut akuersaarpasuk, ilinniartup pisortaata atsiussavaa. Mianerinninnissamut isumaqatigiittoqarpat siunnersortip imaluunniit misilitsitsisup qulakkiissavaa, tassunga atasooq oqaluttariarsorluni misilitsinneq tusarnaartoqarani ingerlanneqassasoq.

ATORTUSSAT

Misilitsinnerup qanoq ittuussusaata aaliangissavaa, atortussat qanoq ittut misilitsinnermi atorneqassanersut. Atortussanik atuinnermut sinaakkusiussaq fagip allaaserineqarnerani atuarneqarsinnaavoq.

Misilitsittup nammineq akisussaaffigivaa atortussat pisariaqartut nassarnissaat, akisussaaffigaluguttaaq ajoquteqannginneri. Aamma taamaappoq atortussat GBS/NI-miit atukkiunneqarpata. Misilitsinnermi nakkutilliisup tamatigut atortussat nassarneqartut misissornissaat pinnaatitaaffigaa.

Qarasaasiamik aamma Wiseflow-imik atuineq

Aallaaviusumik ilinniartup nammineq qarasaasiaq pigisani atussavaa. Ilinniartup nammineq akisussaaffigivaa qulakkiissallugu qarasaasiap akornuteqannginnissaa. Taamaappoq qarasaasiaq nammineq pingiguniuk imaluunniit atuarfiup atukkiussariguniuk. Ilinniartuq IT-support-imut GBS/NI-miittumut saaffiginnissaaq qarasaasiamik atornissaminik pisariaqartitsiguni.

Allattariarsorluni misilitsinnerit tamarmik aamma multiple choice-test Wise-flow-imi ingerlanneqassapput, ilinniartullu nammineq akisussaaffigivaa eqqortumik Wiseflow-imut tunniussinissani. Aammattaaq misilitsittunut tamanut misilitsissutissat pappilissakkut misilitsinnerup aallartinnerani tunniunneqassapput.

Wiseflow-imi teknikkikkut ajornartorsiuteqalissagaluarpat, atuartup allattariarsorluni misilitsinneq USB-kkut tunniussinnaavaa, GBS/IN-imit tunniunneqartukkut. Nammineq pigisaq USB atorneqaaqqusaanngilaq. Fil-it tamarmik pdf-formatitut tunniunneqassapput. Ilinniartup fil-i nammineq aterminik atsissavaa kiisalu fagi holdillu aqqi. Taava USB-stikki misilitsinnermi nakkutilliisumut tunniunneqassaaq allakkap puuanut ikillugu, atsiorlugu atiminik fagilu suna misilitsinnerunersoq. Ilinniartup ini misilitsiffik ajornanngippat qimassanngilaa, misilitsittuni nakkutilliisup qulakkeertinnagu, pdf-fil-i Wiseflow-imut uploaderneqarsinnaanersoq.

Misilitsinnerit assammik allatat

Misilitsinnerit assammik allatat suliallu allaaserineri malitassat nalinginnaasut aallaavigalugit suliarineqassapput.

Assammik allatat tunniunnerini makkua malinneqassapput:

- Ateq, quppernerup normua quppernerit tamaasa
- Akissut kuglepen-imik tungujortumik tuschimilluunniit allanneqassaaq
- Misilitsinneq sioqqullugu isumaqatigiissutigereersimasassaaq, misilitsinnermi akissut assammik allataq tunniunniaraanni

Generativ Artificial Intelligence-p atorneqarnera

Generativ Artificial Intelligence (GenAI), allatanik pilersitsisartoq taaneqartarpoq oqaatsit modellit angisuut (store sprogmoller)(LLM tuluttut taaguut malillugu Large Language Models). ChatGPT, Google Gemini allallu chatbot-iupput, oqaatsit modellii angisuut ikiortigalugit pilersartut.

Atuarfiup malittarisassai suliasanut malinneqartussaapput, taakkua aamma ataanni inaarutaasumik suliasat. Ilinniartup GenAI sulinermini atorsinnaavaa, atorneqarnerali suliap tunniunnerani nalunaarutigineqassaaq. Taamaammat ilinniartup eqqarsaqqissaarneranut, apeqqusiilluni eqqarsarsinnaaneranut, periaatsinut najoqqutarisanillu innersuussineranut piumasaqaatit annertunerusut naatsorsuutigineqarput.

Misilitsinnermi suliasat, GenAI atorlugu suliarineqartut, allat allattariarsornikkut suliat malittarisassa at assigivaat. Nassuiaatigineqartoq, GenAI-p atoreranut eqqarsaatersuutit ilanngullugit, naliliinermut ilaatinneqassapput.

Atuarfiup GenAI-mut aamma nassuiaammut politikkaa atuarfiup nittartagaani [politikkit aamma quppersakkat](#) -ni takuneqarsinnaapput. Tassani nassaarineqarsinnaapput malitassat ilitsersuutillu nutaanerpaat GenAI-p eqqortumik eqqunngitsumillu malinnissaanut ilitsersuutit. Taakkua avataasigut fagip allaaserineqarnerani misissuisoqartassaaq GenAI-p atortorissaarutitut atornissaa pillugu. Taassuma sukkasuumik ineriartortinneqarnera pissutigalugu, atuarfiup GenAI pillugu politikkaa ukiumoortumik nutarterneqartarpoq.

Inunnut paasissutissanik eriaginnineq

Ilinniartup paasissutissat inunnut tunngasut – nalinginnaasut imaluunniit eriagisariaqakkat – GenAI-p immersorneranut atoqqusaanngilai. Tassani pineqarput imminut, ilinniaqatinut imaluunniit paasissutissiisunut tunngasut. Tassani pingeqarput prompt-imut immiinermi aamma fil-imik uploaderinermi. Aammattaaq ilinniartup praktikkerfigisamini paasissutissat eriagisariaqartut imaluunniit ilinniartup suliffeqarfimmik suleqateqarnermini paasissutissat, GenAI-mi immiussatut atoqqusaanngilai. Tassani pingeqarput prompt-imut immiinermi aamma fil-imik uploaderinermi. Ilinniartup nammineq akisussaaffigivaa suliffeqarfimmeersut paasissutissat eriagisassaanersut misissussallugit.

PISSUSILERSORNEQ AKUERINEQARSINNAANNGITSOQ, MISILITSINNERMI PEQQUSERLUNNEQ AAMMA ASSILIIGINNARNEQ (PLAGIAT)

Ileqqorissaarnissamut malittarisassat atuarfimmit assut pingaartinneqarput, taamaammat akuerineqarsinnaanngitsumik pissusilersorneq, misilitsinnermi peqquserlunneq aamma assiliiginnarneq ilumoorunneqassapput, atuarfiullu malittarisassai malillugit kinguneqartinneqarsinnaallutik.

Pissusilersorneq akuerineqarsinnaanngitsoq

Ilinniartuq akuerineqarsinnaanngitsumik imaluunniit akornusersuisumik misilitsinnermi pissusilersorpat imaluunniit misilitsinnermi malittarisassat unioqqu Tippagit, pisumut nalileereernikkut imatut pisoqarsinnaavoq pisortap aaliangigaanik:

- Ileqqorissaarnissaaq pillugu ilinniakkap pisortaanit oqaloqateqarneq
- Allakkatigut mianersoqqussut
- Misilitsinnermit anisitaaneq aamma misilitsinnermik misiliinermut atuisinnaajunnaarneq
- GBS/NI-mit anisitaaneq

Misilitsinnermi peqquserlunneq

Misilitsinnermi peqquserlussimasutut pasitsaassaqaqarnermi atuartitsisup imaluunniit allaffeqarfiup pisoq misissorlugu aallartissavaa. Peqquserlussimanermik ilimanaateqarpat, suliaq ilinniakkap pisortaanut nalunaarutigineqassaaq. Misilitsinnermi peqquserlunnermik pasisatsaassaqaq, misilitsinnermi nakkutilliisumit paasineqartoq, aamma ilinniakkap pisortaanut nalunaarutigineqassaaq. Misilitsinnermi peqquserluttoqarsimasooq paasineqarpat ataasiakkaarani eqimattakkaarunili suliaqarluni, suliap tamarmi nalilerneqarnissaa itigartitsissutigineqassaaq, eqimattami peqataasunut tamanut. Kinguneqartitsinissaaq eqqarsaatigineqassaaq, misilitsinnermi peqquserlussimaneq imaluunniit peqataasimaneq uppersaatissaqarpat.

Assiliiginnarneq (plagiat)

Assiliiginnarneq pisumi qanoq atsigisumik assiliiginnartoqarsimaneq nalilerneqassaaq. Ingasattajaarnikkut imaluunniit arlaleriarluni assiliiginnarnikkut kinguneritineqarsinnaavoq, ilinniartup erngerluni aturfimiit anisitaanerani. Anisitaaneq piffissamik killilerneqartumi imaluunniit atuutiinnartussamik kinguneqarsinnaavoq. Assiliiginnaraanni, kinguneqartitsinerit makkuusinnaapput:

- Misilitsinnermik misiliinermik annaasaqaqarneq
- Nalilerneqanngitsoorneq imaluunniit nalilerneqarsimanerup atorunnaarsinneqarnerani
- Mianersoqqussummik tunineqarneq misilitsinnermi malittarisassanik unioqqutitsisimasutut
- Misilitsinnermiit anisitaaneq
- GBS/NI-miit anisitaaneq

Annertusisamik nakkutilliineq

Atuarfiup aaliangersinnaavaa, misilitsinnermi nakkutilliineq misilitsittumut imaluunniit arlalinnut misilitsinnermi annertusissasoq. Annertusisamik nakkutilliineq qanoq isikkoqassanersoq atuarfiup aaliangissavaa, assersuutigalugulu kingunerisinnaavaa, misilitsittoq inimi nakkutilliisumut qaninnngorlugu inissinneqartoq. Atuarfiup Wiseflow atortarpa, kiisalu IT-mut atortut allat atorsinnaallugit misilitsinnermi peqquserlunnerit paasineqarnissaannut.

Attaveqaqatigiinneq aamma inoqatinut attaveqaatit

Misilitsinneq aallartikkaangat, ilinniartup allat attaveqarfigeqqusaajunnaassavai. Taamaallaat saaffiginninneq misilitsinnermi nakkutilliisumut nappaanikkut pisinnaavoq. Atuarfiup initaani allattariarsorluni misilitsinnermi ilinniartup atuarfiup internet-imut attaveqaataa atussavaa.

Ilinniartup misilitsinnermi nakkutilliisuunngitsunut attaveqarniaraluarpat, imaluunniit atortorissaarutit atoqqusaanngitsut atorpagit, taanna erngerluni misilitsinnermiit anisitaassaaq. Ilinniartup platformit, attaveqaqatigiiffiusinnaasut imaluunniit filinik nassiussiviusinnaasut, atoqqusaanngilai.

Tusarnaarutit assigisaalluunniit misilitsinnerup nalaani atoqqusaanngillat, misilitsinnermi suliasamat attuumassuteqanngippata. Tamanna peqquserlunneq pinngitsoortinniarlugu malitassaavoq. Tusarnaarutini immikkut ittumik pisariaqavippat atortariaqakkanik, immikkut ittumik akuerineqarnissamik qinnuteqartoqassaaq. Mobiltelefonit qaminngassapput, smartwatch-illu misilitsinnerup nalaani attaveqassanatik.

IMMIKKUT ITTUMIK AKUERINEQARNEQ, PISSUTSIT IMMIKKUULLARISSUT AAMMA NAPPARSIMANEQ

Atuarfik ilinniakkani aaliangersakkaniit immikkut ittumik akuersaarsinnaavoq, nalilerneqarpat inatsisit malillugit akuersarneq tunngaveqartoq. Ilinniartup aallaavittut immikkut ittumik akuerineqarnissamik qinnuteqaat kiisalu takussutissiat tassunga tunngasut nassiunneqassapput info@gbs.gl -imut misilitsinnissaq sapaatit akunnerinik 4-nik sioqqullugu (takuuk ilanngussaq 1). Napparsimalertermi imaluunniit ilimaginngisamik pisoqartillugu, ilinniartuq ilinniartut kiffartuussiffiannut sukkanerpaamik 323099-imut attaveqassaaq.

Ilimaginngisamik pisoqartillugu immikkut ittumik akuerineqarneq

Ilimaginngisamik pisoqartillugu soorlu erninermut atatillugu sulingiffeqarneq, napparsimaneq imaluunniit qanigisat perulunnartumik napparsimalersillugit imaluunniit toqusoqartillugu immikkut ittumik akuerineqartoqarsinnaavoq. Ilinniartup piaarnerpaamik immikkut ittumik akuerineqarnissamik qinnuteqaat nassiatissavaa ilanngullugit uppernarsaatit immikkut ittumik pisumut ilannguttariaqartut ilinniartunut kiffartuussiffimmut.

Qinnuteqaat akuerineqarpat, ilinniartuq misilitsiffissaraluartut peerneqassaaq, nutaamullu ingerlaannarluni ilanngunneqarluni. Ilinniartup nammineq nakkutigissavaa misilitsinnissamat nutaamut piffissaliussaq Lectio aqquutigalugu.

Innarluuteqarnikkut atukkat immikkut ittut

Ilinniartut timikkut imaluunniit tarnikkut innarluuteqartut immikkut ittumik akuersissummik qinnuteqarsinnaapput misilitsinnissamut immikkut ittumik atugassanik, taamaalillutillu ikorfartorneqarnissaminut tunineqarlutik.

Atuarfiup nammineq aaliangissavaa, atukkat immikkut ittut ilumut pisariaqarnersut. Immikkulli ittumik akuersissutip misilitsinnermi fagip qaffasissusaa sunnissanngilaa. Immikkut ittumik akuerineqarnissamut qinnuteqaat ilinniartut kiffartuuffiannut info@gsb.gl -imut atuarnerup aallartinnerata kinguinngua sukkanerpaamik nassiunneqassaaq.

Innersuunneqarpoq, ilinniartup atuarfiup siunnersuisarfia [immikkut ittumik atuartitsinnermi ikorfartuineq \(specialpædagogisk støtte\)](#) pillugu saaffigissagaa tassunga tunngasunik atortorissaarutit ilinniarlaatsillu ilinniarnermut ikorfertuilluarsinnaasut pillugit. Aammattaaq pisariaqartitat pillugit siunnersuisinnaapput aamma misilitsinnermut immikkut akuersissutit pillugit.

Misilitsitsisoq ilinniarnermullu siunnersortip ataatsimoorlutik naleqquttumik nassaassapput, aammattaaq taassuma iluani atortorissaarutit sinaakkutillu pisariaqartitat, ilinniartup misilitsinneq pitsaanerpaamik ingerlanissaanik anguniarlugu, ilinniartunut allanut naleqqersuunneqarsinnaasumik. Tamanna ilinniartup pisortaata akuerissavaa.

Napparsimalermermi

Ilinniartuq misilitsinnerup ulluani napparsimaguni, ilinniartut kiffartuuffiannut 323099-imut sianissaaq. Tamanna piaarnerpaamik pissaaq. Eqqaamallugu klassi aamma CPR-normu ilinniartut kiffartuuffiannut nalunaarutigissagaku.

Ilinniartuq oqaluttariarsorluni imaluunniit allattariarsorluni napparsimaleruni, misilitsitsisumut imaluunniit misilitsinnermi nakkutilliisumut saaffiginnissaaq ini misilitsiffiusup qimannginnerani. Taava ilinniartuq napparsimanermut uppersarsaammik (lægeerklæring) takutitsissaaq, ulloq misilitsiffimmi napparsimasimaneq uppersarsarlugu. Uppersarsarsinnaagaanni misilitsinnermut misiliinertut isigineqassanngilaq, ingerlaannartumillu ilinniartuq napparsimalluni misilitsinnermut ilanngutitineqassaaq.

Napparsimarnermut uppersarsaat atuarfiup tingoreersimassavaa ulloq misilitsiffiusoq ulluinnarnik tallimanik qaangiutsinnagu. Uppersarsaat nassiunneqassaaq ilinniartut kiffartuuffiannut info@gsb.gl -imut. Ilinniartup nammineq napparsimanermut uppersarsaatit allannera akilissavaa. Nalinginnaasuvoq napparsimasimanerup kinguneranik misilitsinneq misilitsinnerup eqqortup qaammatinik pingasunik qaangiunnerani neqeroorutigineqartarnera. Qaammat juli qaammatinut taakkununga naatsorsuussaannngilaq. Misilitsinnerup ilaa naammassineqarsimanngippat uppersarsaatilimmik napparsimanikkut, tinguqqinneqarsinnaanngilaq,

misilitsinneq tamarmi angusiffioreersimappat. Tamannali atuutinngilaq tassunga ilinniarnermut aaliangersakkami immikkut ittumik aaliangersaasoqarsimappat.

Ilinniartuq misilitsinnissaq sioqqullugu sivisunerusumik napparsimasimappat, tamannalu pissutaalluni suliaminik tunniussinngitsoorluni, napparsimasimalluni misilitsinnermik neqeroortoqarsinnaavoq. Ilinniartuq napparsimanermut uppersammik takutitsinnaassaaq. Napparsimasimalluni misilitsinneq taamaallaat ingerlanneqarsinnaavoq, napparsimaneq tunniussinissamut qaammat ataaseq sioqqullugu pisimappat. Napparsimasimalluni misilitsinnissamut imaluunniit nalinginnaasumik misilitsinnissamut pisut ataasiakkaarlugit aaliangiiffineqartassapput, apeqqutaalluni napparsimaneq qanoq sivisutigisimaneq misilitsinnissallu ullulerneqarnera.

Ilinniartuq napparsimanermut uppersaammik takutitsinnaanngippat, misilitsinnermut misiliinertut isigineqassaaq, ilinniartorlu misilitseqqinnermut nalunaarutigineqarluni (takuuk immikkoortoq napparsimalluni misilitsinneq aamma misilitseqqinneq).

NAPPARSIMASIMALLUNI MISILITSINNEQ AAMMA MISILITSEQQINNEQ

Misilitsinneq angusiffiusimasoq tinguqqinneqarsinnaanngilaq. Misilitsinneq angusiffinngikkaanni imaluunniit peqataannginnissamut qinnuteqarnermut itigartitaasimagaanni, taava ingerlannartumik misilitsinnermut tassunga nalunaarutigineqassaaq, tulliani pilerpat.

Oqaluttariarsorluni imaluunniit allattariarsorluni ilinniagaq nangeqqissagaanni fagini angusiffiusariaqartuni, napparsimasimalluni misilitsinneq aamma misilitseqqinneq piaarnerpaamik pisassaaq. Tamanna pisassaaq kingusinnerpaamik qaammatit pingasut qaangiutinnginneranni. Fagini allani napparsimasimalluni misilitsinneq aamma misilitseqqinneq aatsaat pisinnaavoq, fagi neqeroorutigineqaaqippat – nalinginnaasumik ukiup tulliani.

Misilitsinnermut misiliineq

Fagimi angusiniaraanni pingasoriarluni misiliilluni misilitsittoqarsinnaavoq. Misilitsinnermut nalunaarutigineqarsimagaanni, misilitsinnermut misiliinertut naatsorsuunneqassaaq, imaakkuni:

- Misilitsinnermut angusinngitsoorpoq, tassa imaappoq angusat F/-3 imaluunniit Fx/0
- Misilitsinniarani nalunaarfissamut kingusinaaraanni
- Misilitsinneq qimakkaanni, piffissaliussa q sulii naanngitsoq
- Allaffigineqarsimannngitsumik tunniussigaanni
- Misilitsinnissamut nalunaarfigisamasamut takkutinnngitsooraanni

Fagimi ataatsimi misiliilluni misilitsinnerit pingasut atorsimagaanni angusinani, misiliilluni misilitsinnerit sisamassaat qinnutigineqarsinnaavoq. Tamanna ilinniartup pisortaanit aaliangerneqassaaq.

Misiliilluni misilitsinniartuni immikkut ittumik akuersissummik qinnuteqarniaraanni, immikkut ittumik qinnuteqaat tassunga tunngasunik uppersaatinik ilallugu nassiunneqassaaq ilinniartunut kiffartuuffimmut info@gbs.gl -imut. Tamanna pissaaq kingusinnerpaamik misilitsinnermi angusat nalunaarutigineqareernerisa ulluinaat tallimat qaangiutsinnagit.

Ilinniartuq ilinniakkami misilitsinnermi angusaq peqqutigalugu ingerlaqqissinnaanngippat, ilinniartuq atuarfimmi ilinniartutut allassimajunnaassaaq, atuarfiulli akuerippagu, ilinniartup ilinniagaq ingerlateqqissinnaavaa aallaqqaataaneerlugu. Atuarfiup atuortoq atuarfimmi allaqqajunnaartikkuniuk, taanna siunnersussavaa allanik ilinniaqqinnissamut periarfissanik. Assersuutigalugu allamut ilinniakkamut nuunnerusinnaavoq.

NUUP AVATAANI MISILITSINNEQ

Piomasqaataavoq inuttut takkunnissaaq oqaluttariarsorluni aamma allattariarsorluni misilitsinnernut, atuarfimmi ingerlanneqartunut. Immikkut ittumik atuarfik misilitsitsisinnaavoq internetikkut kalaallit nunaanni imaluunniit qallunaat nunaanni ilinniartup, imaluunniit nunami allami, peqquteqavissumik peqquteqarpat ilinniartuq inuttut pissutsit imaluunniit aningaasat tungaasigut peqquteqartumik peqataasinnaanngippat. Nuup avataani misilitsinneq misilitsinnermut malitassat atuuttut aallaavigalugit pisassaaq (takuuk immikkoortumi oqaluttariarsorluni internetikkut misilitsinneq).

Ilinniartup akisussaaffigivaa GBS/NI-p pisariaqalissappat sukanerpaamik attaviginissaa. Attavigininneq pissaaq ilinniartunut kiffartuussiffimmut info@gbs.gl -imut imaluunniit 323099-imut. Taassuma kingorna immikkut ittumik qinnuteqaat immersorneqarsimasooq nassiunneqassaaq.

Ilinniartup, GBS/NI-lu suleqatigalugit ilinniartup nassaarissavaat, misilitsinnermik ingerlatsiffiusinnaasoq. Ilinniartup aaliangiunneqarpat, atuarfiup nakkutilliususaatitaanermik nalunaarut toqqangaasumut nassiutissavaa. Tamanna pingaarnertinneqarpoq, kisiannili periarfissatut misilitsinneq praktikkerfimmi imaluunniit pisortaarfimmi pisinnaavoq. Taanna atuarfimmuut utertinneqassaaq misilitsittoqannginnerani. Aammattaaq atuarfiup akuerissavaa misilitsinnermi nakkutillisoq, allallu misilitsinnerup taassuma ingerlannerani ikiuuttussat.

GBS/NI-p immikkut Nuup avataani misilitsinnermi aningaasartuutigineqartut akilissavai. Atuarfik aaliangersinnaavoq aningaasartuutit tamaasa imaluunniit ilaannai akilissanerlugit, atuarfiup nalileruniuk ilinniartuq peqquteqavissumik pissutsit imaluunniit aningaasat pissutigalugit Nuummi misilitsinnermi nammineq takkulluni peqataasinnaanngitsoq.

Taamaangippat, atuarfiup aaliangersinnaavaa ilinniartup aningaasartuutit tamaasa imaluunniit ilai akilissagai, atuarfiup aningaasartuutigisimasai internet-ikkut misilitsinnermut atatillugu. Piumasaqaataavoq ilinniartup taama pisoqannginnerani allakkatigut aningaasartuutit akilernissai akuersaarsimassagai. Atuarfiup piumasarisinnaavaa aningaasat siumoortumik misilitsinnginnermi akilereerneqassasut.

INTERNET-IKKUT OQALUTTARIARSORLUNI MISILITSINNEQ

Internet-ikkut oqaluttariarsorluni misilitsinnermut atatillugu internet-imut isumannaatsumik attavilimmik inimik, atuarfiup IT-lerisuanit, pilersitsisoqassaaq. Internet-ikkut misilitsinneq pitsaasuussappat, ilinniartup qulakkiissavaa teknologi atorsinnaanersaq. Inni misilitsiffiusoq eqqissisimanassaaq akornusersuisoqaranilu, inunnik allanik isersimasoqassanngilaq, allatut isumaqatigiissimannikkaanni. Taamaallaat misilitsinnermi nakkutilliisoq peqataasinnaavoq, malittarisassat eqquutsinneqarnersut qulakkeerisussaq.

Ilinniartup misilitsinneq tamaat assiliivik ikumatissavaa, assimillu akuerisamik kinaassutsini uppersarsinnaassallugu. Atortorissarutit akuerineqartut, siusinnerusukkut suussanersut nalunaarutigineqareersimasut, atoqqusaapput. Misilitsinneq ilinniartumit immiuteqqusaanngilaq, immiussaqaassappallu misilitsinnermi malittarisassanik unioqqutitsinertut isigineqassaaq. Ilinniartoq misilitsinnerup platformianut misilitsinneq sioqqulluarlugu isereersimassaaq. Ajornartorsiuteqaleruni ilinniartup IT-support imaluunniit misilitsinnermi nakkutilliisoq attavigissavaa.

Militsitsisoq aamma censor login-imut paasissutissanik sapaatip akunneranik misilitsinnissaq sioqqullugu nassinneqareersimassapput. Nalilersuinerup nalaani ilinniartoq attavimmiit anissaaq, censor misilitsitsisorlu allanik tusarnaartoqaratik nalilersuineq ingerlanniassammassuk.

IT-support

Censori internet-ikkut peqataappat, IT-support-ip imaluunniit misilitsinnermut pilersaarusiortup isumagissavaa tamarmik marluullutik PowerPoint-præsentation takutissinnaassagaat. Tamanna ataatsimiinnissamut qaaqqusummi iluarsereerneqarsimassaaq. Misilitsitsisoq censorilu aaqqissueqataasutut aaqqereersimassapput. Akuerisaavortaaq censorip takutitassami oqaasissat allattorsimaffii takusinnaassagai, censorip kissaatigissappagu.

PRAKTIKKERNERMIK SIVITSUINEQ

Ilinniartoq suliffeqarfillu praktikkernermik sivitsuinissamik isumaqatigiissusiorsinnaapput, ilinniartoq imaappat:

- Napparsimalluni praktikkerfimmi suliffeqarfimmi ilinniarnernup sivilissusaa 10 procent-anik qaangeraanni.
- Sulinnigiffeqarallaraanni (orlov) imaluunniit naartunermut, erninermut imaluunniit meeravissartaarnermut atatillugu sulinnigiffeqaraanni
- Immikkut pissutsit peqqutigalugit sulinerup sivilissusaa appartissimagaanni
- Misilitsinnermi angusinnitsooraanni
- Ilaatigut atuarnernup avataatigut atuaqqittariaqassagaanni

Qulaani taakkartorneqartut arlaat peqqutaalluni ilinniarnernup sivilissusaa peqannginneq sipporlugu ilaqqittariaqassagaanni, isumaqatigiissut taamaallaat atorsinnaavoq, ilinniarfiup pisortaata imaluunniit forständerip akuerippagu. Ilinniartoq qulaani taaneqartut peqqutigalugit praktikkerfimmiit misiliinerup nalaani qaammat ataaseq sinnerlugu peqanngikkuni, misiliineq peqanngiffiata assinganik sivitsorneqassaaq.

CENSORINIK ATUINEQ, CENSORINIK TOQQAANEQ AAMMA CENSORIP ILEQQUSSAI

Censorit pitsaassutsimik kiisalu atuarfiup ilinniarfiinik ineriartortitsinermut qulakkeerninnermut pingaaruteqarput. Qulakkeertarpaat misilitsinnerit eqqortumik ingerlanneqarnersut, ilinniartut assigiimmik eqqortumillu pineqarnersut kiisalu naammassisaat ilumoortumik nalilerneqarnersut. Censorittaaq naammagittaalliutinut suliareqqusassanngortitsinernilu suliarinninnerni peqataasarput. Censorit pillugit malittarisassat nalunaarummi allaaserineqarsimasut, atuarfimmit malinneqarput.

Censorimik toqqaanermut piumasaqaatit

Atuarfiup qulakkiissavaa censorinik toqqaaneq ersarissumik attuumassuteqanngitsumillu ingerlassasoq kiisalu censorip tamatingoortumik piginnaasaqassasoq. Censorit fagip imai sukumiisumik nutartikkamillu ilisimassavai kiisalu ilisimassallugit fagip qitiusumik atorneqarnissaanut periarfissat. Censoritut toqqagaanissamut piumasaqaatit nalunaarummi ersarinnerusumik allaaserineqarput.

Atuarfiuttaaq qulakkiissavaa censorit misilitsinnernut ukiumiit ukiumut assigiinnut atorneqassanngitsut, nikittaaneq kinaassusersiunnginnerlu qulakkeerniarlugit. Misilitsinnernut ataasiakkaanut censorinik toqqaaneq atuartitsisup suliasaraa, ilinniarfiulli pisortaata aamma suliarisinnaallugu. Atuartitsisut ilinniarfiup

avataaneersut censorinik toqqaqqusaanngillat. Censorinik toqqaanernut naggataatigut aaliangiineq ilinniarfiup pisortaaniippoq. Censori atuarfimmi atorfeqaqqusaanngilaq, imaluunniit ukiut marluk kingulliit atorfeqarsimasussaannngilaq.

Censorimut paasissutissiineq

Misilitsinneq sioqqullugu censorimut nassiunneqassapput ilinniakkap aqqissungaana, fagip pineqartup allaaserinera, ilikkagassatut anguniagassat, atuarfiup GenAI-mut maleruagassai aamma karakterinut allattuiffissat. Pappilissat taakkua misilitsinneq sapaatip akunnerinik marlunnik sioqqullugit nassiunneqassapput. Paasissutissat taakkua nassiunnerinut akisussaaffik ilinniartunik kiffartuuffimmiippoq. Oqaluttariarsorluni misilitsinnermi internet-ikkoortumi censorimut login misilitsiffissamut internet-ikkoortumut nassiunneqassaaq.

Censorip ileqqussaa

Internet-ikkut misilitsitsissagaanni, censorip isumagissavai nutarsakkanik atortoqarnissaq, internet-imut attaveqaat sukkanera pissusissamisoortoq kiisalu webkamera ajoquteqanngitsoq (takuuk oqaluttariarsorluni internet-ikkut misilitsinneq).

Censorip pisussaaffigaa misilitsinnerup iluani pisunik allattuinnissaq kiisalu nalilersuinnermi karakteriliinnermilu naammassisaq pillugu allattuinnissaq naammagittaallortoqalissagaluarpat atugassanik. Allattukkat sivikinnerpaamik ukioq ataaseq tigummineqassapput, aamma naammagittaallortoqarsimappat taassuma naammassinissaata tungaanut.

Censorip akisussaaffigivaa qulakkiissallugu misilitsinnerit malitassat atuuttut malillugit ingerlanneqarnersut, kiisalu ilinniartut tatiginartumik naapertuuttumillu nalilerneqarnersut.

Karakteriliineq naliliinerlu

Misilitsinnerup inerneru karakterillu digitalimik allattorneqassapput misilitsitsisumik aamma censorimit. GBS/NI-mi tassunga Wiseflow atorneqassaaq. Censori Wiseflow-imut isissutissaanik misilitsinnginnermi nassinneqassaaq, nalunaarutiginninneq ingerlanneqarniassamat. Karakterit Wiseflow-imut misilitsinneq naammassiniariarpat allattorneqassapput, kingusinnerpaamik aqaguani. Naliliinnermut karakterinullu naammagittaallortoqarpat allaffeqarfiup censorip allattugai tingujumasinnaavai.

Napparsimasimalluni misilitsinnermi misilitseqqinnermilu censoriuneq

Inerteqqutaavoq censori misilitsivissornermi atorneqarsimasoq napparsimasimalluni misilitsinnermi misilitseqqinnermilu atussallugu. Censorili atorneqarsimasoq aappassaaneerniaraanni atorneqarsinnaavoq. Ilinniartoq pingajussaanik misiliippat censorimik nutaamik nassaartoqassaaq.

Censorip nalunaarusiaa

Misilitsereernerit tamaasa kingorna censorit naliliinnermut skema immersugassaq naatsunnguaq immersussavaat, taavalu atuarfiup, Wiseflow-imut karakterit nalunaarutigereernerisa kingorna, nassiutissavaa. Naliliinnermut immersugassaq tassaavoq censorip nalunaarusiaa, imaqarlunilu apeqqutinik toqqaanermut, misilitsilinnginnermi paasissutissiinnermut, misilitsinnerup ingerlanneranut, naliliinerup karakteriliinerullu ingerlanneranut kiisalu nalileeqataasumik suleqateqarneq pillugu imalik. Akissutit atuarfiup suliap pitsaassusaanik naliliineranut ilaassapput.

MISILITSINNERMI NALILINEQ KARAKTERILINERLU

Ilinniartutut misilitsinnermi angusat tamarmik Lectio-mi takuneqarsinnaapput. [GGs-skalaen](#) (Greenlandic Grading System) amerlanertigut atuarfiup misilitsinnerini atorneqartarpoq. Aaammattaaq nalilerneqarsinnaavoq "angusivoq/angusinnigilaq".

Nalileeriaaseq misilitsinnermut aaliangersimasumut fagimi aaliangersimasumut fagit allaaserineqarneraniippoq, ilinniakkap aqqissuussaanera ilinniakkamut aaliangersimasumut. Malugeqquneqarpoq GBS/NI-mi misilitsinnerni tamani, allaaserinninnertaqartuni aamma oqaluttariarsornertaqartuni, aallaaviusumik taakkua pingaartinneqartut 50/50-itut misilitsinnerit tamaasa ataatsimut isigalugit naliliinnermi.

Oqaluttariarsorluni misilitsinnermi misilitsinnermi naliliineq oqaatsitigut nalunaarutigineqassaaq misilitsitsisumit aamma censorimit. Kingorna misilitsinnermi naliliineq Lectio-mi takuneqarsinnaavoq. Allattariarsorluni misilitsinnermi atuarfiup ullulissavaa, qaqugu misilitsinnermi naliliineq ilinniartumut Lectio-mi takuneqarsinnaassanersoq.

Misilitsinnermut naliliinerit / karakteriliinerit tamarmik digitalitut misilitsitsisumit aamma censorimit Wiseflow-imut allanneqassapput. Allattuineq kingusinnerpaamik misilitsinnerup aqaguani pissaaq. Misilitsinneq suli nalilerneqanngitsutut isigineqassaaq, misilitsitsisup censorillu naliliinitik nalunaarutiginnigppatigit. Censor link-imik nassinneqassaaq nalunaarutiginniffissaanik.

Atuartitsisup nalunaarutaa

Misilitsinnerit kinguneri tamaasa atuartitsisup naliliinnermut immersugassaaq naatsoq immersussavaa, atuarfiullu nassiutissavaa, karakterit tamarmik Wiseflow-imut immersuunneqareepata. Naliliinnermi immersugaq tassaavoq atuartitsisup nalunaarusiaa imaralugulu apeqquutit toqqaaneq, misilitsinnerup siorna paasissutissat tigusat, misilitsinnerup ingerlanera, naliliinnerup aamma karakteriliinnerup ingerlannera aamma nalilee qatip suleqatiginera pillugit. Akissutit atuarfiup misilitsinnerit ingerlannerisa pitsaassusaannik qulakkeerinninnermut atorput.

Eqimattakkaarluni misilitsinnerit

Oqaluttariarsorluni aamma allattariarsorluni misilitsinnerit eqimattakkaarluni ingerlanneqarsinnaapput, fagip allaaserineqarnerani imaluunniit pikkorissarnerup pilersaarutaani periarfissatut taaneqarsimappata. Allatani taakkunani ersarissumik paasissutissiisoqarsimassaaq, qanoq eqimattakkaarluni misilitsinneq ingerlanneqarsinnaanersoq, ilinniartorlu kisimiilluni misilitsinnissaminik toqqaasinnaanersoq. Ilinniartutaaq atuartitsisortillu isumaqatigiissutigissavaat, eqimattami ataatsimi qanoq amerlatigisinnaanersut. Atuartitsisup aaliangissavaa, eqimattami ilinniartut peqataasut qassiussanersut.

Oqaluttariarsorluni misilitsittoqarpat suliarisimasamik allatamik tunngaveqartumik ilinniartunit arlalinnit suliarineqarsimasumik, ilinniartut tamarmik ataasiakkaarlutik takutitassartik saqqummiutereersimassavaat, ataasiakkaarlutik karakterilerneqannginnerminni. Ilinniartut misilitsiffimmeequsaanngillat, ataasiakkaarlutik misilitsinnissamik tungaanut. Tamanna isumaqarpoq, eqimattami ilaasortat allat inip silataani utaqqissasut, tullinnguunnissamik tungaanut. Eqimattap ilaasortai inip silataani ataatsimoorlutik utaqqisinnaapput, kisianni misilitsinneq imaluunniit sammisaq pillugu oqallinneq inerteqqutaavoq, ilamik arlaata misilitsinnerata nalaani.

Ilaasortat tamarmik ataasiakkaarlutik ersarissumik akunnaallisakkamillu saqqummiissapput, misissorneqarsinnasumik immikkullu nalilerneqarsinnaasumik. Ilaasortat ataasiakkaat ilanngussaasa suliap ataatsimut 25%-ia sinneqqusaanngilaat.

MISILITSISSIMANERMUT UPPERNARSAAT

GBS/NI-p ilinniakkami imaluunniit pikkorissarnermi misilitsissimanermut uppernarsaat suliarisarpaa. Uppernarsaat nassiunneqartarpoq imaluunniit tunniunneqartarpoq timitalimmik kingusinnerpaamik qaammatit marluk qaangiunneranni naliliinnerup inaarutaasumik misilitsinnermi nalunaarutigereernerata kingorna. Qaammatit marluk taakkua iluanni qaammat juli naatsorsuutigineqanngilaq.

Atuarfiutaaq misilitsissimanermut uppersaasat suliarisarpaa ilinniakkap immikkoortortaannut, ilinniartunut ilinniakkamik qimatsisunut naammassinngikkaluarlugu. Misilitsissimanermut uppersaasammi naqinneq M fagimut nalunaaqutsiunneqartarpoq, ilinniartup naammasseriigaasa nalaannut. Atuarfiup paasissutissat paarisarpai, pisariaqartut uppersaasamik sananissamut misilitsinnerup ukiuni 30-imi kingorna.

NAAMMAGITTAALLIUTIT

Ilinniartuq karakterit imaluunniit misilitsinneq pillugu naammagittaalliorsinnaavoq. Naammagittaalliuut allakkatiguussaaq nassiunneqassallunilu info@gbs.gl -mut. Naammagittaalliuut aamma eqimattatut tunniunneqarsinnaavoq. Atuarfiup naammagittaalliuut nalilersussavaa aamma censorip allattugai kiisalu misilitsitsisup allattugai suliap ingerlanneqarnerani tunngavissatut tigussavai. Ilinniartup ilinniarnini nangeqqissinnaavaa, naammangittaalliuut suliarinerata nalaani, naammangittaalliuut ilinniartup ilinniakkamik ingerlatsinera sunnissanngilaa. Naammangittaalliuut isertukkatut suliarineqassaaq misilitsissimanermullu uppersaasamut allanneqassanani.

Naammangittaalliuut kingusinnerpaamik sapaatit akunnerit marluk qaangiuppata tunniunneqassaaq. Atuarfiup allaganngorlugu akinissaminut sapaatit akunnernik pingasunik piffissaqarpoq, imaassinnaallunilu:

- Naliliinissamut nutaamik neqeroorfigitinneq (oqaluttariarsorluni misilitsinnernut atuutinnngilaq)
- Misilitsinnermik nutaamik neqeroorfigitinneq
- Naammangittaalliuut itingarinneqarpoq

Misilitsinnermik imaluunniit naliliinnermik nutaamik neqeroortoqarpat, ilinniartup neqeroorut sapaatit akunnerit marluk qaangiutsinnagit akuersaassavaa. Misilitsinneq nutaaq angusaqarfiusinnaavoq karakterimik qaffasinnermik, appasinnermik, imaluunniit periikkap assinganik.

Atuarfiup akisussaaffigivaa, suliassat pitsaassusaasa qulakkeernissaat. Misilitsinnerup nalaani kukkunerimik nassaartoqarpat, atuarfik aliangiangersinnaavoq misilitsinneq unitsissasoq nutaamillu piffissamik misilitsitsilluni. Misilitsinneq kukkuneqarluni ingerlatiinnarneqarpat, censor ilisimatinneqassaaq. Nutaamik misilitsittoqarpat, karakteriliussaasimagaluartoq taarserneqassaaq.

Misilitseriaaseq allannortinneqarsinnaasannngilaq misilitsinnerup naammassereernerata kingorna, immikkut illuinnartunik peqquteqannngippat. Misilitsinneq siulleq naapertuutinnngippat imaluunniit ingerlannissaa ajornakusoorpat, atuarfik aaliangersinnaavoq misilitseriaaseq misilitsiqqinnermi allannortinneqassasoq.

Misilitsitsisoq censorilu nalilersuinerup ingerlanerani suliaq kiisalu karakteriliineq pillugu allattuissapput, naammangittaalliuut qaleriassagaluarpat atungassanik. Allattukkat sivikinnerpaamik ukioq ataaseq toqqortarineqassapput, kiisalu naammangittaalliuut qarsimappat taassuma suliarinerata naanissaata tungaanut.

Naammangittaalliornerup imarippagu, suliap inatsit atuuttoq kiisalu allaffissornermut inatsisit ileqqusut malillugit suliarineqarsimanersoq, atuarfiup aaliangiinera Ilinniartitaanermut naalakkersuisoqarfimmut apuunneqarsinnaavoq. GBS/NI tassani oqaaseqaateqarsinnaavoq, naammangittaalliortup ullut qulit qaangiutsinnagit oqaaseqarfigisinnaasaanik. Tamatuma kingorna atuarfiup naammangittaalliut, atuarfiup oqaaseqaataa aamma naammangittaalliortup oqaaseqaatigisinnaasai Ilinniartitaanermut naalakkersuisoqarfimmut nassiutissavai.

Naammangittaalliutit GBS/NI-mit aaliangiiffigineqartut, ilinniartup inatsisitigut inissisimaneranut attaveqangitsut, ilanngullugit misilitsnnermut karakterinulluunniit tunngasut, pisortaqarfinnut qaffasinnerusunut ingerlateqqinneqarsinnaanngillat.

ILANNGUSSAQ 1: IMMIKKUT AKUERINEQARNISSAMUT QINNUTEQARNERMUT IMMERSUGASSAQ

Qinnuteqaat immersoreerpat, ilinniartut kiffartuussiviannut nassiunneqassaaq

Immersugassat tamaasa paasisutissanik qinnuteqartumut tunngasunik immersukkit

Ateq	
Cpr-normu	
Telefon/mobil	
E-mail	
Najugaq	
Illoqarfik/nunaqarfik	
Postnormu	
Nuna	

Ilinniarnermut faginullu immikkut akuerineqarnissannik qinnuteqarpunga

Ilinniarneq	
Fagi	
Ukioq	

Immikkut akuerineqarnissannik qinnuteqarpunga (krydileruk)

Misilitsinnermut peqataaniarunnaarneq	
Misilitsinnermut peqataaniarneq, naak peqataanissamut pinngitsuugassaangitsut naammassisimangikkaluartut	
4. Misilitsilluni misiliineq	
Nuup avataani misilitsinneq	

Immikkut akuerineqarnissannik qinnuteqarpunga immikkut atukkat pissutigalugit, ukuusut (ataaseq arlallilluunniit krydsilikkitt)

Timikkut innarluuteqarneq	
Tarnikkut innarluuteqarneq	
Naqinnernik ilisarinnissinnaannginneq imaluunniit kisitsisinik ilisarinnissinnaannginneq	
Oqaatsit assersuutigalugu marluinnik oqaaseqarneq	

Immikkut akuerineqarnissannik qinnuteqarpunga allat pequtugalugit (peqqutaasut tullerïaarlugit allaaserikkitt)

--

Qinnuteqarnermut peqqutaasoq (tullerïaarlugit allakkit)

--

Uppernarsaat (krydsileruk)

Nakorsap allagarsiussaa	
Psykologip oqaaseqaataa	
Naartunerup nalaani allagartaq/Inunngornermut allagartaq/Meeravissiaanermut uppernarsaat	
Misissuisimanermut nalunaarusiaq	
Naqinnernik ilisarinnissinnaannginnermut/dysleksimut assingusumulluunniit misissortissimaneq	
Toqusup allagartaa	
Akuersaarnermut atsiugaq ilinniartup Nuup avataani misilitsinnermut atatillugu aningaasartuutini akiliinissamut kiisalu allat pappilissat tamatumunnga tunngasut.	
Allat	

Ulloq

Qinnuteqartup atsiornera

Ilinniarfiup pisortaata immersugassaa

Aaliangigaq (krydileruk)

Akuerineqarpoq	
Itingartinneqarpoq	

Tunngavilersuut (tulleriaarlugit allakkit)

--

Akuersisoq

Ulloq	
Ilinniarfiup pisortaa (ateq)	
Atsiorneq	